



ÉDITION 2025 : « Héritage(s) »

LATIN

COLLÈGE

TEXTE EN VERS

« Gens recidiva Phrygum Cadmeae stirpis alumnos
foederibus non aequa premit ; si fata negarint
dedecus id patriae nostra depellere dextra,
haec tua sit laus, nate, velis ; age, concipe bella
latura exitium Laurentibus ; horreat ortus
iam pubes Tyrrhena tuos, partusque recusent,
te surgente, puer, Latiae producere matres. »
His acuit stimulis subicitque haud mollia dictu :
« Romanos terra atque undis, ubi competet aetas,
ferro ignique sequar Rhoeteaque fata revoluam.
Non superi mihi, non Martem cohibentia pacta,
non celsae obstiterint Alpes Tarpeiaque saxa.
Hanc mentem iuro nostri per numina Martis,
per manes, regina, tuos.»

SILIUS ITALICUS, *La Guerre punique*, I, vers 106-119, Ier siècle après J.-C.
Texte établi et traduit par Pierre Miniconi et Georges Devallet, éd. Les Belles Lettres, 1979.